

29.10.2015

fff	Pfarrer
W léce 2015 připowě so ze stron Drježdžansko-Mišnjanskeho biskopstwa wjetše přesadźowanje serbskich katolskich fararjow. Kaž so wopokaza, njejednaše so tu wo jednotliwe znowa připokazanje fary, ale prawdžepodobnje wo "rotaciju". Potrjechene běchu fary a fararjo w Chróśćicach, Radworju, Njebjelčicach a Ralbicach. Rozměry tutoho personalneho přerjadowanja w serbskich katolskich wosadach běchu tak wulke, zo nawjerčachu delanscy wosadni samo dlěši žortny film - parodiju - wo tutej "rotaciji"! Jako přeni wopuści něhdyši Radworski farar Clemes Hrjehor 1. septembra swoju dotalnu Chróśćan wosadu a přewza swoju nowu propstowsku wosadu w Kamjenicy, hdžež bu njedźelu dnja 06.09.2015 swjatočnje zapokazany. K 1. oktobrej přewzachu "nowi" fararjo swoje wosady, za kotrež mějachu wot toho dnja zamołwitosć. Tak rozžohnowa so Radworska wosada dnja 27.09.2015 swjatočnje a z džakliwosću wot swojeho dotalneho fararja, Sćěpana Delana, kotryž bě 18 lět jako měšnik swěrnje Radworskej wosadze služił. Dnja 07.10.2015 so nowy Radworski farar, knjz Beno Jakubaš přez diecezanskeho administratora, Andreasa Kutschku, na swjedźenskej božej mši zapokaza - a dósta wot njeho tež symboliske cyrkwinske kluče. 10 křižerjow přewodźachu noweho fararja a biskopskeho administratora, kotrajž w a landawerje jědžeštaj, wot hranicy wosady w Chelnje hač k wosadneje cyrkwi. W Radworju witachu jeho wjesnjanosta V. Baberška, předsyda wosadneje rady B. Ješka, 15 družkow - z kotrychž jedna basnju přednjese - a kopaće poľna wobsadźena wosadna cyrkej!	nem

From:

<http://82.165.187.122/> - Radibor - Chronik

Permanent link:

http://82.165.187.122/doku.php?id=27.09.2015_pfarrer-rotation&rev=1673041690

Last update: 2023/01/06 21:48

